

西北稀見方誌文獻

第五十九卷

中國西北文獻叢書



中國西北文獻叢書·第一輯

西北稀見方誌文獻

第五十九卷



回

疆

通

山

甲子十二月

胡惟德題



校印回疆通志序

流沙赤水肇伯益之圖經縣圃春山是先王之冊府原中夏神明之胄必溯昆
侖述僊人不死之鄉盛稱沃野遠稽邃古光靈類啟於西方爰逮後王聲教不
訖於弱水此羲和占象所以極昧谷而授時而秦政開疆不能越臨洮而立界
也漢唐以還邊陲多事孝武雖通大宛旋棄輪臺文皇既滅高昌終淪回鶻宋
兵疲於西夏甘涼視爲窮邊明力絀於火州哈密勢同甌脫以故馬遷作史唯
詳苜蓿蒲陶班勇紀言不及精文善法志元和之郡縣隴右多疏記太平之寰
宇西戎失實以至法顯撰傳元奘求經處機西遊元翰續典大都侈談靈異藻
繪風雲虛陳鑿空之遺聞無補綏邊之遠畧有清建國絕徼歸誠當乾隆全盛
之朝奏回部蕩平之績并三十六國而編爲州郡職貢成圖包二萬餘里而一
以車書坤輿無滓時則參贊大臣和甯以詞苑之清班作安西之都護繡車按
部諸蕃膜拜而焚香幕府傳籤將吏雍容而緩帶軍書清宴盾鼻摩挲遂踵西

域圖志之規爰有回疆通志之作觀其裁融方冊校覈前聞證必窮源辭無甚
秦事爲後法則昔畧而今詳義在辦方必州居而部別識道里山川之數度幕
不迷籍軍屯什伍之資防秋有據土均地會審物產之異宜件繫條分譜名王
之氏族信可謂備寫情形審求根實者也今者莎車互市疏勒開關凡繩行沙
度之窮荒胥乘馬服牛之要道佉盧文字列爲學官王面銀錢輸於左藏掃鬼
難風災之阨山水清夷來騎君譯長之倫輶車絡驛然而廣輪遼夔輶軒少絕
代之言故府叢殘節度無籌邊之畫訪燉煌之石碣僅記官勲考赤嶺之界碑
難尋疆索惟茲舊帙猶在人閒視一統志而事詳本聞見錄而時近念流傳爲
孤本未列縹緗將著錄於藝林付之梨棗傳寫知其有誤證班書范史之異同
令式不改於前仿元刻宋書之義例嗟乎堂奧闢而河山失險藩籬撤而亭障
爲虛出陽關則北道直通乎大秦踰皮山則縣度已逼乎天竺重譯使者得指
南而識險夷五部翎侯當空道而測虛實外紀在職方者不知幾千萬言彼土

述支那者何止五百餘部則夫甘英作掾當窮西海而還朱育數典宜曉異域之語謀野異昔審時則然是書之傳固以存邊事之成規抑亦待方聞之續補矣

共和十有四年四月吳興沈瑞麟序

其味十有四年四月吳興沈氏續有

矣

之編纂雖異昔者朝臣錄其書之辭固以存經義之微焉然亦有其詞之類
而支離者則止正百餘篇而失其甘美者則爲西籍而復未有遺典宜其類

敘

漢通西域之使未隸版圖唐置秩正之官蔑傳職貢欽惟我

高宗純皇帝澤溥寰瀛

化敷鼇極

神謨決勝蕩北庭之么麼福將成功宥西濠之黑子顧大小和卓木出籠反噬
外

天宇之蜩螾首穴跳梁抗

王師而驕蹇於是振貔貅之旅電掣冰山掃狐鼠之羣風搏葱嶺塵煩

宵旰鼓舞成行歧路亡羊安集延之敵愾軍門獻馘巴達善之輸誠策萬里之

勳飛檄權輿於乙亥奏五年之績采繁樂凱於庚辰乃復

御製戰圖詩章肇邊臣之寵錫

欽定回疆表傳播訓方以流傳

鳳藻舒華咸略地攻城之實

麟經書事悉竭忠効義之儔烜赫旂常浹淪泉壤迄於今罕并勃律外樹屏藩
疏勒莎車內登衽席幘頭帕腹爭冠帶於康衢鳥跡蟲形同書文於譯館三軍
碁布八鎮星羅禁奇袤則虎落森嚴通裨販則日中噬嗑則壤成賦以充餽廩
任土作貢以効丹忱既非利其土田更無需乎金玉泯泯芴芴熙熙皞皞所以
遂異域生成之性莫不戴

重華覆育之恩也臣和寧稽冊籍以成編畢臚形勝叨旌麾以治事恪守規模
惟願職斯土者修其教不易其俗齊其政不易其宜矢志公清俾懷恩信不負
我

皇上倚畀巖疆之至意云爾

時嘉慶九年歲次甲子夏至月之吉

賜進士出身總理回疆事務參贊大臣臣和寧謹序

例言

一回疆之闢在乾隆二十年平定伊犁以後是編恭錄

御製詩記具詳顛末故不必別敘源流其西域聞見錄所載之紀略仍採入卷末以備參考

一

欽定回部王公台吉表傳恭錄卷首其子孫分派並無世爵不入列傳者別錄回族一門於末

一土爾扈特自乾隆三十六年歸順分東西南北四路駐牧是編等載南路喀喇沙爾屬之土爾扈特渥巴錫和碩特雅蘭丕勒兩部以備查考

一南路八大回城各設辦事大臣領隊大臣分治其各城回務統歸喀什噶爾叅贊大臣辦理故首載喀什噶爾原定章程自南而北各城繁簡不一俱就現辦各款纂入

一吐魯番屬烏嚕木齊都統轄哈密屬陝甘總督轄爲南路回疆門戶其辦事大臣領隊大臣例與回疆有交涉事件故附載焉

一人名地名山川名係回語蒙古語或沿襲舊名或譯音訛舛今遵同文韻統更正如葉爾奇木之爲葉爾羌哈什哈爾之爲喀什噶爾英阿雜爾之爲英吉沙爾哈拉沙爾之爲喀喇沙爾穆遜打坡之爲穆蘇爾達巴罕準土斯之爲珠勒土斯賀布諾兒之爲羅卜淖爾色提巴爾第之爲色提卜阿勒氏之類是也一外番部落如霍罕巴達克山安集延克什米爾種類最多惟布魯特部近邊駐牧其比及阿哈拉克齊大小頭目俱由叅贊大臣

奏放故祇載布魯特一部其餘不能悉載

一漢書西域傳及卓師前王後王唐史高昌國傳及西州庭州又西域聞見錄瑣談西陲紀略所載率多無考或節一二以取信而有徵

一同人風俗自哈密迤南至葉爾羌喀什噶爾等大小各城大約相同節錄西

域瑣談於末

一回地物產與內地不甚懸殊其中有自外番販者一併附載不能細考其出處

目錄

卷之一

御製詩

平定伊犁受降

乾隆乙亥仲夏

格登鄂拉斫營

乙亥季夏

鄂壘扎拉圖之戰

丙戌孟春補詠

和洛霍斯之捷

戊寅孟秋

庫隴癸之戰

丙戌補詠

烏什酋長獻城降

戊寅九月

黑水圍解

己卯孟夏

呼爾滿大捷

己卯仲春

通古思魯克之戰

丙戌補詠

霍斯庫魯克之戰

丙戌孟春補詠

阿爾楚用之戰

丙戌孟春補詠

伊西洱庫爾淖爾之戰

丙戌孟春補詠

巴達山汗納款

己卯仲冬

平定回部獻俘

庚辰孟春

郊勞回部成功諸將士

庚辰仲春

凱宴成功諸將士得詩八章

庚辰暮春

御製回疆三十韻詩

乾隆辛亥

卷首

御題觀成紀寓

御製平定回部勒銘葉爾奇木之碑

乾隆二十四年

御製雙義詩

有序

乾隆二十四年

卷之二

欽定哈密回部總傳

額貝都拉列傳

卷之三

吐魯番回部總傳

卷之四

額敏和卓列傳

鄂囉木咱卜列傳

丕爾敦列傳

卷之五

鄂對列傳

色提卜阿勒氏列傳

噶岱默特列傳

薩里列傳